



Diine ko laabal reedu

Ittaama e Tamiim Addarii yo Alla wele mbo (yo allah yardo he makko) wonde Annabi yo jam e kisal ngon e makko maaki:(o wii) " Diine ko laabal reedu" Min mbi'i : ko ngam hombo? O maaki(owii):" ko ngam Alla e deftere makko nde e Nelaado makko o e ardiibe juulbe e ardaabe be'.

[صحيح] [رواه مسلم]

Annabi yo jam e kisal ngon e makko habrii wonde diine fawii ko e labbinde e goondude, haa mba waawa tottireede no Alla waddiniri nih, tawa hombo timmi ko aldah e rabbidinaade wollo fuuntude. Nelaado yo jam e kisal ngon e mum wi'aa: Hombo laabaneede reedu wonanta? Gadanel ngel: Laabirande Alla Ceniido Toowdo reedu: Labbinande mbo golle, e waasde renndinde mbo e goddo, o goondina Allayan-kaagal makko e wonde mbo dewateedo e inde makko e sifaaji makko, e mawninde fiyaaku Makko, e noddude faade e goondinde mbo. Dimmel ngel: Laabande deftere makko nde ndeen woni Quraana teddufo o: Duum woni fibde konde haala Alla, e sakket defte makko, e wonde kombo momtufo denndaangal sariyaaji gadiidi, mawninende nde, njanngende no haaniri nih, ngolliren aayeeje laabtufo firo, njaben de laabtaani firo, ndiiwten taawiilaaji wooñiibe, teskođen waajuuji mammo, e sarde gannde mammo, e noddude faade e mammo. Tatabel ngel: Laavande (labaabande)Nelaado Makko Muhamadu yo o his: Duum woni nde pibaten ko kanjo woni cakkatiido e Nelaabe, ngoondinen ko o addi ko, ciinen ko o yamiri ko, ngooddoden ko o hadi ko, mbaasen rewirde Alla si wonah ko o addi ko, mawninen fodde makko, teddinen mbo, caren noddaandu makko e sariya makko, ndiiwtanen mbo tuumo. Nayabel: Laabande almameebe juulbe:(yesobe alsilambe) Duum woni walludebe e goongo, e waasde foodondirde e mabbe, e nande e doftaadebe sabu duum ko e doftaade Alla jeya, Joyabel ngel: Laabande juulbe: Duum woni moyyude e mabbe e noddaandu mabbe, e waasde be lorde, e yidandebe jam, e wallandirde e mabbe ka diggere e kulo Alla.

<https://sunnah.global/hadeeth/ff/show/4309>

